

Ministauyut Katimayiit

Havakviinni, Aquinikkut, Pitquhikkut Inuqqukittunilu Pivallialiugniq

July 16, 2015

Hakugikhaqniq Piangaiyautit Ukunuuna Hivunikhaliughimayuni Paannariigutini

Titiraqhimayut Kangiqhitjutinik Hakugikhaqtaa Ukiuqtaqtumi Atatjutit Nunayunmun

Kavamangit Newfoundland-mi Labrador-milu Nunuvunmilu sainiqhimaliqitut Titiraqhimayumik Kangiqhitjutimik (MOU) aulapkaiaami hakugikhariamilu havaqatigiiknirnik ukunani nunani akhuurhariamilu nakuuyunik piangaiyarnikkut pivallialiuqnirnik pipkainikkullu tigummitjutiqaqtunik atauttikkut ikayuqtauyaanginnik uuktuqvikhanun naunliqtut Ukiuqtatuni. Nanngariayauyuq Paul Davis, Hivuliqtia Newfoundland-mi Labrador-milu, unalu Nanngariayauyuq Peter Taptuna, Hivuliqtia Nunavut, sainiqtaa MOU St. John's-mi uplumi.

“Una nutaag naunaiyaqhimayuq havaqatigiikniq Nunavut Kavamatkunni piliuqyuummirniarutauniaqtuq uvani qanga-taimaa havaqatigiikpagutiptikni piyuummiqtillugulu nunaptikni ihumagitjutiipikni piyumayaunikkut nunaryuami humiinningani talvanga tunngavigiyauluni Ukiuqtaqtumi-tunnganiqaqtunik hilitjutikhanik. Una MOU tuniniaqtuqlu aallanik uuktuqvikhanik Newfoundland-mi Labrador-milu havakviinnun havakvikyuanunlu piliuqnikkut paannariigutikhanik nunallaani havakvikun pipkaiyuq Newfoundland-mi Labrador-milu nakuutqiyaayumik nunaghamik inuuyaamik, havakvigiyaaami inuuvikhariyaamilu ilagiiktunun. Quviahuutigiyatka Nunavut Kavamatkut havagutainnik uumunga paannariigutimun, naunaitkutaayuq nakuuyumik pitjutimik hivumuurutimik tamarmiknun nunaptiknun.”

- Nanngariyauyuq Paul Davis, Hivuliqtia Newfoundland-mi Labrador-milu

Nunakkut nuatqatigiikhutik, tamarmik nunagiyauyuk pihimayuq hakugiktunik ihumaginirnik pitquhikkut atauttikkullu-ihumaginirnik pitjutikhakkut aanniqnaittukkut aularaanginnaqtukkullu pivallialiuqniqnik ihumagittiarutigaqtut avatimik pitquhikkullu inuuhiqarutunik. Taimaatu uuktuqvikhat nauhimmaarhutik Ukiuqtaqtumi, Kavamanga Newfoundland-mi Labrador-milu havagumayuq piliuqnikkut nakuuyunik havaqatigiigutunik aallanun ukiuqtaqmi nunani ikayuqtaaqtut piliuqnikkut hakugikharnikkullu piqatigiigutunik kavamatkunni pitjutilunilu angikliyuummigtunik uuktuqvikhanik ukuningalu atauttikkut pitjutunik nunallaani tigummitjutigaqtunun.

Piliuqningani MOU-mik Nunavunmun ikayuummirhimayaa hivunikhaliuqhimayuni hivumuunirni aviktuqhimaniup Ukiuqtaqtumi Uuktuqvikhani Piniarhimatjutaani (Arctic Opportunities Initiative). Piniarhimatjutaa turaangayuq akhuuqhainikkut piangaiyarnikkut aallakkiiktunik piliuqnikkut havaqatigiigutikkut pitjutimik talvani ukiuqtaqtumi Nunaqaqqaqtumilu nunallaat nauhimmaaqaqtut, taimaalu piyumapkaliqtillugit nunaryuamin havakvikkut uuktuqvikhanik. Taamna MOU piliuqtauhimayuq piliuqyuummirniarutauniaqtuq uvani qanga-taimaa nakuuyunik havaqatigiikpagutiptiknik tahamaniittariiktuni ukunanngni Nunavunmi Newfoundland-mi Labrador-milu akhuurhainiaqtaillu angikliyuummiqtunik havaqatigiigutikhanik taimaatut tamarmik nunagiyaayuk upalungaiaqtillutik hivunikhani pivallialiunirnun angikliyuummirnirnunlu piangaiyarnikkut huliitjutini Ukiuqtaqtumi.

“Inungit Newfoundland-mi Labrador-milu Nunavunmilu piqaqtut inmikkut, pitquhikkut inuuqatigiiknikkullu piqatigiigutininik pitjutiyut hivituniqaqtunik nakuuyuniklu paannariigutininik. Sainirnia uumani MOU-mi ilitturipkaiyuq ukuninga nutaamik aullautimik ilitturipkaitjutimiklu qanga-taimaa pitjutimik havaqatigiiknirnik ukunani malruukni kavamaptikni. Hivumuupluta atauttikku, niriutunga pimmarighiyuummiqtunik havaqatigiiknirnik piangaiyarnikkullu pittaarutininik.”

- Nanngariyaayuk Peter Taptuna, Hivuliqtia Nunavuttip

Ilaupluni Ukiuqtaqtumi Uuktuqvikhani Piniarhimatjutimi (Arctic Opportunities Initiative), Kavamanga Newfoundland-mi Labrador-milu qinirhiayuq piliuqnikkut ihuarhaqtauhimayuni, pingahuuniqaqtunik (kavamat, havakvikyuat, iliharvillu) pitjutiqatigiiknirnik. Avikturhimanirni Kavamatkut turaanganiaqauq pingahuni hivunikhaliuqhimayuni qanuriliurutikhanik ataani Ukiuqtaqtumi Uuktuqvikhani Piniarhimatjutimi: pipkaqtillugu aviktuqhimaniq imaqtut Apqutaayuk Ukiuqtaqtumun, piliuqnikkut angummatjutikhanik, pipkainikullu piangaiyarnikkut pivallialiurutikhanik havakvikhaniklu uuktuqvikhanik. Ilitturipkaitjutikhat uumani Ukiuqtaqtumi Uuktuqvikhani Piniarhimatjutimi takuyauttaqtut uvani: www.thearcticpath.com.

QILAMIK KANGIQHITJUTIKHAT:

- Kavamanga Newfoundland-mi Labrador-milu sainiqhimayut Titiraqhimayumik Kangiqhitjutimik ukununga Nunavut Kavamatkunnun hakugikhariami havaqatigiiknirnik ukunani malruukni nunakni.
- Taamna Ukiuqtaqtumi Uuktuqvikhani Piniarhimatjutimi ikayuqtait ilauningit tigummitjutiaqtut tamaani aviktuqhimanirmi ukunani Ukiuqtaqtumi-pitjutiaqtuni hulinirni.
- Taamna Tariukku Qanuriliurutainni unalu Ukiuqtaqtumi Uuktuqvikhani Havakvia uumani Havakvingani Havakviinni, Aquinikkut, Pitquhikkut Inuqqukittunilu Pivallialiunikkut munariniaqauq pivallialiunikkut atuqtipkailirnikkullu uuminga Aviktuqhimaniup Kavamangata Ukiuqtaqtumi Uuktuqvikhani Piniarhimatjutaani, turaanganiaqauq piliuqnikkut pivikhamik taapkuat nunallaani tigummitjutiaqtut ikayuqtauttaqtut nauliqtunin uuktuqvikhanin.
- Ilitturipkaitjutikhat uumani Ukiuqtaqtumi Uuktuqvikhani Piniarhimatjutimi takuyauttaqtut uvani: www.thearcticpath.com.

Tuhaqtipkainikkut uqaqatigivikhat:

Heather MacLean
Aulapkaiyi Tuhaumattiyini
Havakviani Hivuliqtiup
709-729-3581
heathermaclean@gov.nl.ca

Catriona Macleod
Aulapkaiyi Tuhaumattiyini
Havakviani Kavamaliqiyikkut
Nunavut Kavamat
867-975-6049, 867-222-0305
CMacleod@gov.nu.ca

Donna Ivey
Ikayuqtiaqti, Tuhaumattiyini
Havakviani Hivuliqtiup
709-729-3551, 699-2402
donnaivey@gov.nl.ca

Tansy Mundon
Aulapkaiyi Tuhaumattiyini
Havakviani Havakviinni, Aquinikkut, Pitquhikkut
Inuqqukittunilu Pivallialiuqnikkut
709-729-4570; 6693-1865
tansymundon@gov.nl.ca